

## 2 Petoro Petoroŋe ekap betŋan kulemguop.

O bukulpine,

<sup>1</sup> Nâmâ Simon Petoro. Yesu Kiristoŋe aposolo âi sâmbi nihimu mem hoŋ bawanŋim manmâ gan. Anitâŋe Yesu Kiristohât aposololipŋe nengât biwinenŋe mem hewewenŋe tuhumu Kiristohâlen biwinenŋe kepeim manmain. Otmu yakât dopŋeâk yengât biwiyeŋe mem hewewenŋe tuhumu yâkâlen biwiyeŋe kepeim manmai. Anitâ yet Yesu Kiristo dopyetŋe konohâk. Yakât otmâ Kiristoŋe lohimbî âlâhât nâŋgâmu yahatmu âlâhât nâŋgâmu gemu yawu ki otmap. Yâkŋe lohimbî hârok ârândânâk wawaenenekmap.

<sup>2</sup> Awoŋnenŋe Anitâ otmu Kutdânenŋe Yesu Kiristoŋe engatyetŋeâk otmâ nâŋgâyinŋim tihityeŋe otmawot. Yawu otmawot yakât yâk yetgâlen biwiyeŋe kepeim denyetŋe lâum manmâ gai. Otmu yawuâk torokatmâ manŋetâ biwi nâŋgân nâŋgânyenŋe kepeiakmâ konohâk otmâ sânduk sâmbi yâhâwuapgât nâŋgâm Anitâ ulitgum gaman.

*Kiristohâlen biwinenŋe kepeim kârihem mannom.*

<sup>3-4</sup> Anitâ yahat yahatŋe, Wâtgât Ambonŋe menenekmâ ikŋe laŋinŋan katnenekmu orowâk mannongât pat kuningiop. Yakât otmâ Yesu Kiristoŋe âwurem ge menenekmâ himbimân yâhâ manman âilonŋoân katnenekmu mannom. Yakât nâŋgâmunŋe âlâ kândâkdâ otmap. Otmu nenŋe yâkâlen biwinenŋe kepeim tem lâuwânŋim

manmunje māmāje otningimu târârâhâk manmain. Otmu yawuâk torokatmâ manmâ yâhâmunje nenekmu ârândâj otmu Kiristone âwurem ge menenekbuap. Sâp yan Hiliwaho Hiliwaho Amboņaje âlâkuâk biwinenņan kionmu ekņâleangim otmâ hilipgunomgât dop ki tetewuap. Yawu otmâ Anitâje mem koko salek tuhunenekmu yetje orowâk Kiristo orop biwinenņaje kepeiakmâ konohâk otmu manman âilongoân manmâ yâhâmbisâin.

<sup>5</sup> Yakât nâņgâm Kiristohâlen biwiyenaje tiņâk kepeim manmanyenje kelihakmu kârihem mannomai. Yawu manņetâ wuân me wuân teteyiņgiwuap yan girawu otņetâ Anitâje yekmu ârândâj otbuapgât nâņgâņetâ keterakiņgiwuap.

<sup>6</sup> Otmu nâņgâņetâ keterakiņgiwuap yakât kakņan otņetâ bâlemapgât biwiyenje galemahom mannomai. Yawu manņetâ lohimbi belângen manmainje senyenjan genomai me otmain yawuâk otņet sâm engatyenjan genomai. Yawu otņetâ Kiristohâlen biwiyenaje tiņâk kepeim Anitâhât tem lâuwanņim uwawapņe bia manmâ ki lohotņe otnomai.

<sup>7</sup> Yawu otmâ Kiristohât lohimbi orop biwiyenaje kepeiakmâ konohâk otmu tânahom mannomai. Otmu lohimbi kerek buku otyiņgim manmâ yâhânomai.

<sup>8</sup> Den sâm aran yu tâņ tâņâk watmâ Kiristohât tem lâuwanņiņetâ manman âlepņahât bulâņe topņe topņe yengâlen tetem heņgenņuwuap. Yawu otmu Kutdânenņe Yesu Kiristohât biwiņan girawu tatmap ya nâņgânomai.

<sup>9</sup> Yâhâ Kiristone tosayenahât otmâ mumu An-

itâñe tosayeñe pilâyinçgiop yakât ikñe lohimbi nombotñañe biwi nângân nângânyeñe mañguakmu gulip malap manmai. Yawu manmâ den sâm aran yu nângâñetâ gemu bet pilâm girawu manñetâ Anitâñe yekmu ârândân otbuap yakât ki nângâm manmai.

<sup>10</sup> Yâhâ yenâmâ Anitâñe dâiyekmu Wâtgât mâmâñahât Heakñe mem hewewen tuhuyekmu yâkâlen biwiyeñe katñetâ nine nanne baratne sâm meyekmâ manman kârikñahât pat kuyinçgiop. Pat yakât bulâñe biatyinçgimapgât yâkâlen biwiyeñe tiñâk kepeim yu ya otñetgât den ekyongoan yu watmâ manmâ yâhânomai. Yawu manmâ ki otmâ tâpikgum Kiristohât mâtâp pilâm mâtâp bâleñan arinomai.

<sup>11</sup> Otmu sâp patoen Anitâñe biwiyeñe ekmâ matñe kâpekyinçgiuwap yan Kutdânenñe Yesu Kiristoñe âwurem ge sârereyekmu Anitâñe manman kârikñan katyekmu heroñe kakñan manmâ yâhâmbisâi.

*Petoroñe mum pilâyekbuapgât sâop.*

<sup>12</sup> Den ekyongoan yu emelâk aposololipñe lok nombotñe orop yen kâsikum yinçgimunñe nângâñetâ bulâñe otmu biwiyeñan katmâ nângâm gai ya nañgan. Yawu gârâmâ den yu nângâm mem mete tuhum mannomaihât ekyongom yâhâwom.

<sup>13-14</sup> Aiop sâp ki kâlep otmuâk mum pilâyekbom yakât emelâk Kutdânenñe Yesu Kiristoñe eknohop. Yakât otmâ inânñan den ekyongoan yu nângâm biwiyeñan katmâ nângâmâk manñetgât biwiyeñan kionmâ yâhâwom. Yakât nângâmune ârândân otmap.

15 Otmu pilâyekbom yakât kakņan den kulemgum katyiņgian yu sâlikum nâņgâm mem mete tuhum mannomai.

*Anitâņe Yesu kun kundenņe mem âlâ tuhumu ekbi yakât Petoroņe sâop.*

16 Kutdânenņe Yesu Kiristoņe âwurem gewuap yan wâtņe pato tetemu ekmunņe âlâ kândâkdâ otbuap yakât den emelâk kâsikum yiņgiwin. Den kâsikum yiņgiwin yamâ lokgât nâņgân nâņgân ki watmâ den golâ kâsikum yiņgiwin. Nenņe yâk orop manmâ yâkņe olop miop ya ekmunņe âlâ kândâkdâ otmu Anitâ orop dopyetņe konohâk oap yawu nâņgâwin.

17-18 Nenņe yâk orowâk pumņe âlâen yâhâwin yan âwâņe Anitâņe yâkât nâņgâmu yahatmu kulem âlâ yuwu mem ekmunņe âlâ kândâkdâ olop. Anitâņe Kiristohât kun kundenņe mem âlâ tuhumu senņaņe emetsenņe pilâmu irik irik sâmap yawuya tetemu ekbin. Otmu sâņgumņaņeâmâ kaok bolaņ bolaņ otmu ekbin. Yawu otmu Anitâ yahat yahatņe, Laņinņahât Amboņaņe yuwu sâop. “Bulâņanâk yuâmâ nine nanne ombe bisine. Nâņe biwinaņe yâkâlâk nâņgâman.” Anitâņe himbimâmbâ den yawu sâmu nâņgâwin.

19 Otmu embâņan emet inânņan Anitâņe poropetelipņe den âlâlâ ekyongomu kulemguwi yakât bulâņe tetewuap nâņgâm engat yâhâp ki otmain. Otmu yeņe gurâ Anitâhât den tâņ tâņâk watnomaihât nâņgâm den âlâen hâum sâmune nâņgâņet. Kapi âlâen arine sâm otmâ omoņdâņe lambe saum ya laņinņan mâtâp ekmâ arimain. Yâhâ emet haņ sâwe sâm otmâp yanâmâ pitu

kâmne papato yanje tetemap. Yawu tetemu tatmâ yanak emet hanj sâmu emetsenje ga takamap. Yakât dopneâk Kiristone ki âwurem gemu mansain sâp yuâmâ Anitâhât den sâlikum nângâmunje hanj sâningimu Kiristohât mâtâp watmâ yâhânom. Yâhâ âwurem gewuap yanâmâ ikne lanjnane biwi nângân nângânnenjan pilâmu Anitâ yet Kiristo yetgât biwiyetjan âlâlâ tatmap ya topnambâek nângânom.

<sup>20-21</sup> Emelâk emet inânjan Anitâhât poropetelipnane yâkât den kulemgawi yamâ yene nângân nângân ki watmâ den ya kulemgawi. Wâtgât mâmânahât Heakne Anitâhât den biwiyenjan katmu ya kulemgawi. Yakât otmâ lohimbî âlâ me âlâne yene engatyeneâk otmâ den ya sâm kusânmâ bukulipyene ekyongonomaihât dop âlâ ki tap. Den yan yu biwiyenjan katmâ nângâm mannomai.

## 2

### *Lok perâkne yengât sâop.*

<sup>1</sup> Emelâk Anitâhât poropetelipnane yâkât den Isirae lohimbî ekyongomîniwi. Sâp yan lok perâkne oain sâm oain sâm otmâ den perâkne kâityongomîniwi. Yakât dopneâk lok perâkne yengâlen taka Kiristohât den kelangatmâ kâsikum yinginomai. Yâhâ Kiristone yene toсахât otmâ kaweyenjan kinmu kujetâ muop yakât nângânetâ tâjât otmu betgumai. Yakât otmâ hiliwahonomaihât pat mansai.

<sup>2</sup> Otmu Kiristohât den kelangatmâ kâsikum yinginetâ nângânetâ bulâne otmu lohimbî dondâne

hionakmâ yâk yengâlen torokatnomai. Yâk yengâlen torokatnomai yan lohimbi belângen manmaine manmanyene ekmâ sâm ge katyekmâ Kiristohât den pat nângânetâ gewuap.

<sup>3</sup> Lok perâkne yengât iri sikumyene eknâlem meyingine sâm den golâ ekyongonetâ nângânetâ bulâne otmu tewetsenne yinginomai. Yawu otyinginomai yakât matne umatne yingimu menomaihât Anitâne sâp kalop. Sâp kalop ya ekmu ârândâŋ otmu matne yingimu mem hiliwahonomai.

<sup>4</sup> Bulânanâk Anitâne matne umatne yingimu menomai yakât yuwu sâmune nângânet. Kândikum emelâk anelo nombotne Anitâhât den kum otmâ hilipguwi yakât matne nâpumân panyekmu ge omoŋ kâlehen tatmâ gai. Yawu tatmâ yâhânetâ sâp pato tetewuap yan den sâm hâreyingim matne umatne yingimu mem hiliwahonomai.

<sup>5</sup> Otmu emelâk embânân lohimbine Anitâ betgum orotmeme bâlene otmâ manminiwi. Yawu otmâ mannetâ lok âlâ, kutne Noa sâm, lohimbine Anitâhât den lâum mannetâ yekmu ârândâŋ olâk sâm yâkne girem den ekyongominiop. Otmu girem den ya ekyongomu nângânetâ helekne otmu orotmeme bâlene tâtâem otjetâ yanak Anitâne nângâmu tongelâk giop. Tongelâk gemu to niŋ niŋ sâm lohimbi bâlene ya asisihâk haranyongop. Yâhâ lohimbi nombolân yâhâp Noa orop wanŋaen yâhâ tatbi yawuâk hâmeyeŋe kinop.

<sup>6</sup> Otmu kapi yâhâp, kutyetne Sotom yet Gomora, ya ambolipne gurâ Anitâhât hâkân otmâ orotmeme bâlene otminiwi yakât matneâmâ kâlâpne ge sem gulip tuhuyehop. Ya yengât den pat

nângâmunje tetemap yan lohimbiņe orotmeme bâleņe otmai yakât Anitâņe matņe yingimu meno-  
mai nâņgâm engat yâhâp ki otmain.

7-8 Kâlâpņe Sotom otmu Gomora kapi ambolipņe sem gulip tuhuyehop yan Anitâņe lok âlâ, kutņe Lot sâm, yâkât nâņgâwaņgimu hâmeņe kinop yakât yuwu sâmunne nâņgâņet. Lotņe Anitâhât tem lâuwaņgim orotmeme âlepņeâk otminiop yakât ekmu ârândâņ olop. Yâhâ kapi ambolipņeânmâ Anitâhât den kum den bâleņe sahaņgim orotmeme bâleņe hilâm ârândâņâk otņetâ Lotņe yekmu tepņe dondâ bâleminiop. Yawu manopgât otmâ Anitâņe nâņgâwaņgimu hâmeņe kinop.

9-10 Yakât dopņeâk lohimbi Anitâhât tem lâuwaņgim manmaiņe manman bâleņahât paņgoņân kioņmai hât meyekmâ manman âlepņan katyekmu manmai. Yâhâ lohimbiņe Anitâhât den kum yeņe engatyeneâk watmâ orotmeme bâleņe ekņâlem otmai yakât matņe umatņe sâp patoen yingimu menomai. Yakât otmâ hiliwahonomaihât pat kuyingimu mansai.

Lok perâkņe ya yeņgât wâtyeņe pato ki tatyņgiap. Yawu gârâmâ yeņahât nâņgâņetâ yahatmu Anitâhât aņelolipņe ikņe orop himbimân tatmai ya yeņgât nâņgâņetâ gemu sâm bâleyingimai. Yawu otmâ aņelo yaņe matņe ningimai sâm yakât ki gorâyingimap.

11 Yâhâ Anitâhât aņelolipņe ya yeņgât wâtyeņe pato tatyņgiap. Yawu tatyņgiap yamâ yâkât senņan kinmai yan aņelo bukulipyeņe nombotņe otmâ hilipgunetâ Anitâņe betyongomu tatmai ya yeņgât ki sâm bâleyingimai.

12 Yâhâ lok perâkne ya yengât topyene yuwu sâmunne nângânet. Anitâne sonjo bau otmu nâi selon topne topne katmu ekmain yamâ umut biwiyene bia. Otmu nenne hat ari kum taka um nenomgât sâm kalop. Yâhâ lok perâkne ye yu yakât topne nângâm pâpgum ihilâk sâm bâlemai. Yakât otmâ yekmunne biwiyene bia mansai yawu otmap. Otmu sonjo bau kumain yakât dopneâk sâp patoen Anitâne lohimbi perâkne ya hilipyongowuap.

13 Yâkne lohimbi hâhiwin yinginetâ umatne kaknan manmâ gai. Yakât matne sâp patoen Anitâne yene gurâ yawuâk hâhiwin yingimu umatne kaknan mannomai. Otmu yâkne yuwu otjetâ dondâ bâlemap. Lohimbi senyenjan kinmâ yu ya ekjâlem otnehâlâk nângâm otmâ hilipgumai. Otmu yen menduhuakmâ sot nemai yan yengâlen torokatmâ to kârikne nem biwiyene hâlim otmu otjetâ bâlemu anjun yingimai.

14 Otmu imbi âlâ me âlâ yekmai yan ya yengât nângâm biwiyene otmâ tâpikgum tosa memai. Otmu orotmeme bâlene ya ekjâlem otnehâlâk nângâmai. Otmu lohimbi nombotne biwi yâhâp manmai ya yengât engatyenjan genetâ otmâ tâpikgumai. Bukulipyene yengât iri sikumyene miaknehâlâk nângâm mem lohotne tuhuyekmai. Yakât otmâ Anitâne matne umatne yingimu menomaihât pat kuyingimu mansai.

15 Yâkne Kiristohât mâtâp bulâne ya pilâm lok âlâ, kutne Bileam, Beoro nanne, yâkne olop yawuâk otmai. Yakât yuwu sâmunne nângânet. Bileamne hâmene membom nângâm Isirae lohimbi sait kakyenjan pilâwe sâm ariop.



16 Arimu Anitâhât anelo âlâne Bileamgât dongi laune mem purik pilâwangimu amboŋe den ekuop. Den ekumu nângân nângânne keterakbangimu sait kakyeŋan ki pilâop. Yawu.

17 To senne saŋ kititiŋ sâmap yapâ to ki osomain. Otmu elem kârikne mem emet mem maŋgumap yamâ gelâk ki gemap. Yakât dopneâk lohimbiŋe lok perâkne yeŋgât denyenŋe nângânetâ den yaŋe buku ki meyiŋgimap. Yakât otmâ sâp patoen Anitâne lok perâkne ya pilâyekmu yaehen ge omon bâleŋaŋe sâhâyekmu tatnomai.

18 Yâkne yeŋahât nângânetâ yahatmu nângân nângân tâŋât lohimbi kâsikum yiŋgimai yakât yâkne nângânetâ yahatmap. Otmu lohimbi nombotŋaŋe pâku lohimbi yeŋgâlebâ dâiakmâ Kiristohâlen biwiyeŋe katŋetâ sâp ki kâlep oap.

19 Lohimbi yawuya yeŋgât enŋatyenŋan ge lok perâkŋaŋe yuwu sâm ekyongomai. “Kiristone girem den yapâek holaŋnenekmu enŋatnenneâk watmâ yu ya otmâ mannomgât dop tap.” Yawu sâm enŋatyenŋan geŋetâ orowâk otmâ tâpikgumai. Yawu otmâ Manman Bâleŋe Amboŋahât paŋgoŋân yâhâpne kioŋmâ yâkât amutgen manmai.

20 Yakât yuwu sâmune nângânet. Lohimbiŋe orotmeme bâleŋe bet pilâm Kutdânenne Yesu Kiristohâlen biwiyeŋaŋe kepeiŋetâ manman bâleŋahât paŋgoŋâmbâ holaŋyekmâ tihityeŋe otmap. Yawu gârâmâ orotmeme bâleŋe bet pilâwi ya miwirikum Manman Bâleŋe Amboŋahât paŋgoŋân âlâkuâk kioŋmâ yâkât amutgen mannomai yanâmâ hiliwahonomaihât pat mannomai. Yawu mannomai yanâmâ emelâk Kiristohâlen biwiyeŋaŋe ki

kepeiwi sâp yan tosayañahât matñe menomai sâop ya wangim Anitâñe matñe amokñan yingimu menomai.

<sup>21</sup> Lohimbi nombotñane girawu manñetâ Anitâñe yekmu ârândân otbuap yakât topñe pâpgum orotmeme bâleñe tâtâemâk otmâ belângen manmai. Lohimbi yawu yamâ Anitâñe matñe yingimu menomai. Yâhâ lohimbi nombotñe âlâñeâmâ Kiristohât den nâñgâñetâ bulâñe otmu yâkâlen biwiyenane kepeim manmai. Yawu otmai yakât kakñan yâkât nâñgâñetâ gemu orotmeme bâleñe miwirikum Kiristo betgunomai. Yawu otnomai yâhâmâ sâp patoen Anitâñe lohimbi belângen manmai matñe yingimu menomai ya wangim matñe amokñan yingimu menomai.

<sup>22</sup> Kiristo betgumai ya yengât nâñgâm den âlâen hâum sâmain yakât nâñgâmune bulâñe oap. Den yamâ yuwu tap. Sosoñe mohatmap yamâ benñe yâhâpñe nemap. Otmu bauñe bokosohân dakakmap. Dakakmu hâkñe bokosohâk pato otmap ya hârânñ sâm bererek sâm gemu âlâkuâk ari bokosohân dakakmap. Yakât dopñeâk lohimbi orotmeme bâleñe angoân otbi ya miwirikum otñetâ dondâ bâlemap.

### 3

#### *Bulâñanâk Kiristonje âwurem ge menenekbuap.*

<sup>1</sup> Bukulipne, yuwu sâmune nâñgâñet. Yeñe girawu manñetâ Anitâñe yekmu ârândân otbuap yakât topñe emelâk kâsikum yingimune nâñgâwi. Otmu yeñe den ya nâñgâm biwiyenân katmâ galemahom târârâhâk manñetgât pepa âlâ

kulemgum katyiŋgimune ekbi. Otmu yâhâpŋe yu kulemgum katyiŋgian.

<sup>2</sup> Emelâk Anitâŋe ikŋe poropetelipŋe den ekyongomu kulemguwi. Otmu Kutdânenŋe Yesu Kiristo tihitnenŋe otmapŋe nen ikŋe aposololipŋe den eknongomu kâsikum yiŋgimunŋe nanŋai. Den ya kerehâk nâŋgâm heŋgeŋgum biwiyenŋan katmâ manmâ yâhânomaiahât yuwu sâmunne nâŋgâŋet.

<sup>3</sup> Sâp pato tâlâhuwuap yan lohimbi nombotŋaŋe yeŋe eŋgatyeneâk watmâ yu ya ekŋâlem otmâ hilipgunomai. Yawu manmâ Kiristoŋe âwurem ge menenekbuapgât sâop den yakât nâŋgâŋetâ bulâŋe bia otmu yuwu sâm yeŋgât senyenŋan genomai.

<sup>4</sup> “Kiristoŋe “Âwurem ge meyekbom,” sâop yamâ nenŋe ki eksain. Wosan taka tap ya sâŋetâ ari ekne. Anitâŋe hân himbim kândikyotgowâmbâek lohimbi nengât manmannenŋe dop konohâk tatmâ gamap. Otmu tâmbâlipnenŋe mum gara gara otbi yawuâk nen gurâ mumain.” Yawu sâm senyenŋan genomai.

<sup>5</sup> Yawu sâm senyenŋan genomai yan Anitâhât den nâŋgâŋetâ gemu yeŋe nâŋgân nâŋgân watmâ sânomai. Yakât yuwu sâmunne nâŋgâŋet. Kândikum emelâk topŋe katmâ Anitâŋe sâmu biaembâ hân himbim teteop. Otmu saru keterakmu hân teteop. Otmu elem kulewonŋon tetem yapâek gelâk gemap. Gelâk gemu yanjak nak me senŋe âlâlâ topŋe topŋe tetem âi omoŋ omoŋ otmâ yahatmap.

<sup>6</sup> Otmu lohimbiŋe Anitâ betgum otŋetâ bâleop yakât matŋe yâkŋe sâmu tongelâk gemu to niŋ niŋ sâm lohimbi otmu senŋe âlâlâ wanŋaen ki yâhâwi

ya aksisihâk haranyongop.

<sup>7</sup> Otmu sâp pato tetewuawân Anitâņe sâmu hân himbim ekmain yu kâlâpņe sem gulip tuhuwuapgât sâm kalop. Sâp yan Anitâņe lohimbi kerek nengât biwinenņe ekmâ sâm hâreningiwuap. Yawu otmâ lohimbiņe yâkâlen biwiyenņe ki kepeimai yamâ matņe yingimu mem hiliwahonomai.

<sup>8-9</sup> Otmu lohimbi nombotņe “Wongât Anitâņe Kiristo in yawu ki hângângumu âwurem gemap?” yawu sâmai yakât yuwu sâmune nâņgâm biwiyen katņet. Anitâņe sâpgât ki nâņgâmap. Yakât otmâ yambu 1000 yakât biwiņan yu ya tetemap yakât nâņgâmu hilâm konok biwiņan tetemap yawu otmap. Yamâ angoânâmâ lohimbiņe orotmeme bâleņe bet pilâm Kiristohâlen biwiyen katņetâ manman kârikņahât pat kuyingimu manņetgât nâņgâm mambotyingimap.

<sup>10</sup> Kutdânenņe âwurem gewuap yakât nâņgâņetâ keterakyiņgiâkgât den âlâen hâum sâmune nâņgâņet. Kapi ambolipņe yengât kasalipyenņe sâp girawuân taka itit kiom tuhuyiņginomai ya ki ekyongomai. Kapi ambolipņe ki nâņgâmâk manņetâ kasalipyenņe pârâk sânsânâk taka yongom kiom tuhuyiņgimai. Yakât dopņeâk Kiristonē pârâk sânsânâk gewuap. Sâp yan kâlâp punduņ sâm himbimân emetsenņe pitu âlâlâ ya kerehâk munņe orowâk sem gulip tuhuwuap. Otmu hânân yu senņe âlâlâ topņe topņe yu gurâ yawuâk sem gulip tuhuwuap.

<sup>11</sup> Yakât nâņgâm yeņe manman bâleņambâ keterakmâ Anitâhât tem lâuwanġim târârâhâk manno-mai.

12-13 Otmu Anitâñe sâmu kâlâp pato punduñ sâmbimbimân emetsenñe pitu otmu hânân senñe âlâlâ ya kerehâk sem gulip tuhuwuap. Yakât kakñan yâhâpñe sâmu hân himbim ango tetewuap. Hân himbim ango tetemu yan mem katyekmu koko salehâk manñetâ yekmu ârândân otbuap. Yakât pat emelâk kuyiñgimu tap. Yakât otmâ sâp pato tetemu Kiristoñe âwurem ge meyekbuap yakât nâñgâm biwi nâñgân nâñgânyenñe kilik kilik sâmu mambotbañgim mannomai.

14 Yawu mambotbañgim mannomai yanâmâ Anitâñe yekmâ “nine nanne baratne koko salek,” sâmbim kaok nâñgâyîñgiwuap. Yakât nâñgâm Kiristohâlen biwiyenñe tiñâk kepeim manmanyenñe kelihakmu kârihem mannomai.

15 Otmu Anitâñe Kiristo in yawu ki hâñgângumu âwurem gewuap. Otmu ki âwurem gewuap yan lohimbiñe yâkâlen biwiyenñe kepeinñetâ Anitâñe tosayenñe pilâyîñgiwuapgât mâtâp ki hâreakmâ tâñ sâwuap. Yakât nâñgâm “Wongât Anitâñe in yawu ki hâñgângumu gemap?” yenñe yawu ki sânomai. Den yan yuñe Paulonñe den kulemgum katyiñgimu ekbi ya miap. Yakât yuwu sâmune nâñgâñet. Anitâhât biwiñan nâñgân nâñgân âlâlâ tatmap ya Wâtgât mâmâñahât Heakñe mem bukunenñe Paulo yâkât biwiñan katmu yâkñe kulemgum katyiñgimu ekbi.

16 Paulonñe ekap âlâlâ katyiñgiop yan den yuwuâk kulemgum katyiñgiop. Yawu gârâmâ den kulemgum katyiñgiop ya lohimbi nombotñenñe sâlikum nâñgâñetâ ki keterakiñgimu nâñgân nâñgânyenñe hâlim milim otmap. Yakât otmâ den ya kelangtmâ bukulipyenñe kâsikum yîñgimai. Yawu gârâmâ emelâk Anitâhât poropeteliñe

otmu lok nombotņane yâkât den kulemguwi ya yâkņak yawuâk kelanġatmâ bukulipyene kâsikum yingimai. Yakât otmâ yenhâk otmâ tâpikgum hiliwahonomaihât pat mansai.

<sup>17</sup> Den yu emet inânņan ekyongoan. Lok nombotņane Anitâhât den kum yene enġatyeneâk watmai. Lok yawuyane yenġâlen taka enġatyenjan geņetâ nânġân nânġânyene hâlim milim otmu manman bâlenjahât paņġoņân kionmahât biwiyene galemahom mannomai.

<sup>18</sup> Otmu sâp yiwerene yuâmâ Kutdânenne Yesu Kiristohâlen biwiyenane kepeim manmai ya wangim yâkâlen biwiyenane tiņâk kepeim yâkât den tiņâk lâum mannomai. Yawu otnomai yanâmâ yâkņe tihityene otmu manman âlepņahât bulâne yenġâlen teteap ya wangim bulâne topņe topņe teteyiņgiwuap. Yakât nânġâm Kiristo mepaem manmâ yâhâmbisâin. Ya bonņanâk.

Nâ bukuyene,  
Petoro

**Yesuât Den Pat Âlepŋe**  
**The New Testament in the Selepet Language of Papua**  
**New Guinea**  
**Nupela Testamen long tokples Selepet long Niugini**

copyright © 1986 Wycliffe Bible Translators, Inc.

Language: Selepet

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 18 Mar 2025 from source files dated 31 Aug 2023

995083d2-705e-5a60-af47-1e36806ccbc